



COMUNA DE DURGALI

PROVÌNTZIA DE NÙGORO

DELIBERATZIONE DE SA GIUNTA COMUNALE

N. 8 DE S'08-02-2023

OGETU: Diretivas pro s'incumintzu de su servìtziu de trasportu pùblicu turìsticu urbanu in su tempus de s'istiu in sa frazione de Cala Gonone. Indirtzos a sos ufitzios.

S'annu duasmigiabintres, sa die oto de su mese de freàrgiu a sas oras 16:45, in Durgali e in sa Domo Comunale, cunvocada a sos sentidos de lege, s'est addobiada sa Giunta Comunale in sas persones de sos Sennores:

Testone Angela	Sìndiga	P
Fancello Antonietta	Assessore	P
Ruiu Gianmaria	Assessore	A
Mele Sonia	Assessore	P
Loi Silvia	Assessore	P
Carotti Bernardino Luigi	Assessore	P

Assistit a sa seduta su sutascritu Segretàriu Comunale, Dut. Francesco Rosario Arena

SA GIUNTA

Premìtidu chi s'Amministrazione Comunale cheret isòrvere sos problemas de viabilidade chi interessant sa Comuna de Durgali, frazione de Cala Gonone in s'istajone istiale, dèvidos in s'ispetzificu.:

- a su fatu chi non b'at bastante parchègios pro sas veturas in su tzentru abitadu de Cala Gonone, mescamente in sa zona de su Portu, cando cada die aumentant sos impitadores chi acudint a pigare sos traghentos turìsticos;
- a su fatu chi non b'at bastante àreas de sosta a curtzu de sas marinas chi sas intradas sunt postas in subra de su caminu in s'oru de mare de Prama de seda, mescamente in su tretu chi movet dae Carrela de Caboto finas a Carrela de sos Coraddos cun s'arrèschida chi nde benit de sas bias tochende pro more de sas veturas parchegiadadas;
- a su decongestionamentu de su tràficu veicolare in Carrera La Favorita, caminu chi collegat su parchègiu a sa fine de su scaru de Prama de seda cun sa Carrela manna de Bue Marino, in ue cada die b'at unu tràficu veicolare intensu dèvidu a su fatu chi dae su Parcu de Prama de seda s'intrat a s'omònima marina e a sa de Sos Dorroles;

Averiguadu gasi puru su bisòngiu de permitere a sos paritzos turistas chi benint a istare intre Durgali e Cala Gonone de s'iscostiare a discansu intre sa Comuna e sa frazione sua e in su matessi tempus de cunsentire fintzas a medas giòvanos residentes de si pòdere istirire sena impedimentu perunu dae e conca a sa frazione marina a oras de sero cando custa trata no est cuberta dae su servìtziu pùblicu ARST;

Cunsideradu chi in su Documentu Ùnicu de Programatzione (DUP) su periudu 2022/2024, aprovalu cun Deliberatzione de Cussìgiu Comunale n.13 de su 12/05/2022, in sa pàgina 61, Missione 10 - Trasportos e deretu a sa mobilitade, si ponet in mostra s'obietivu istratègicu in contu de s'isvilupu de modellos noos de viabilidade urbana chi siant fintzas sostenibiles dae su puntu de bista ambientale e istàbilit de s'ighire su Progetu Navetta, aviadu in bia isperimentale in su 2019, pro Cala Gonone;

Bidu chi sa Comuna de Durgali s'est dotata de su Pranu de Transportu Urbanu Colletivu, aprovalu cun Deliberatzione de su C.C. n. 80 de su 28/11/2002, in ue s'affrontant parte de sos problemas mentovados in antis, agatende comente solutzione s'istitutzione de unu postaleddu pro cada die e s'impreu de sas àreas parchègiu de Iscrittiorè pro decongestionare su tzentru urbanu;

Pigadu atu chi dae tando non b'at àpidu mudas de sustàntzia in s'isvilupu urbanu de su tzentru abitadu de

Cala Gonone;

Rilevadu chi unu servìtziu de postaleddu s'est dadu in s'istajone istiale 2019 e 2021 e chi in s'istajone 2022 su servìtziu l'at dadu unu treninu turìsticu gommadu cun unu bonu resurtadu in tèrmines de decongestionamento de su tràficu veicolare in tzentru abitudu prenu cun impreu pretzisu de sos parchègios meda postos a s'intrada de Cala Gonone in sa zona Iscittiorè e generale gradimentu pro parte de sos impitadores;

Bidu chi sa gestione de su tràficu automobilisticu b'est in sas cumpetènzias de s'Àrea de Bàrdia;

Bidu su D.Lgvo n.267 de su 18/08/2000 e mudas e integraziones imbenientes;

Bidos sos parres favorèvoles espressados dae sos Responsàbiles de sos Servìtzios interessados, a sos sentidos de s'arte.49, 1° comma de suD.Lgvo n.267/2000;

DELIBERAT

Pro sas motivatziones espressadas in sa premissa, de dare mandadu a su Responsàbile de s'Àrea de Vigilàntzia pro sighire cun sa posta in atu de totu sos cumprimentos mirende a s'istituzione de unu servìtziu de trasportu pùblicu urbanu in su tzentru de Cala Gonone pro s'annu 2023, e de aviare sas protzeduras de sèberu de su cuntraente segundu sos inditos chi sighent:

- istituire tres linias ispartzidas;
- sa prima linia, comente giai isperimentadu annos in antis, at a collegare su parchègiu de Iscittiorè cun su Portu e at a èssere cumprida dae su treninu gommadu in su periodu intre su 15 làmpadas e su 15 cabudanni. In su periodu dae su 1° trìulas a su 31 austu, a su fine de afortigare su servìtziu s'ant a acostiare duos postaleddos;
- sa segunda linia, at a collegare su parchègiu de Iscittiorè cun su caminu in s'oru de mare de Prama de seda in su periodu dae su 1° de trìulas a su 31 austu e at a èssere cumprida dae unu postaleddu, a su fine de cunsentire a sos paritzos turistas e residentes de cròmperu su tzentru de Cala Gonone e sas marinas de Prama de seda - Sos Dorroles;
- sa de tres linias at a cunsentire, in sas oras serales de sos meses de trìulas e austu, de collegare su paisu de Durgali cun sa frazione de Cala Gonone a su fine de permitere a sos numerosos turistas chi benint a istare intre Durgali e Cala Gonone de s'iscostiare a discansu intre su Comunu e sa frazione sua e in su matessi tempus de cunsentire fintzas a medas giòvanos residentes de si pòdere iscostiare sena perunu impedimentu dae e conca a sa frazione marina in sos oràrios in sos cales custa trata no est cuberta dae su servìtziu pùblicu ARST;
- fàghere pònere sa relativa signalètica istradale collegada a su servìtziu, chi siat fàtzile a abbistare su parchègiu Iscittiorè e sas firmadas de sas linias;
- su servìtziu est pro totu sos impitadores e at a èssere a pagamentu e sos incassos chi benint dae su servìtziu ant a èssere intramentados dae sa Dita chi s'at a agiudicare s'apaltu e chi s'at a dèvere ocupare de s'emissione de sos billetes e de su controllu;
- su servìtziu at a èssere finantziadu cun fundos de bilantzu;
- de dare atu chi sunt istados espressados sos parres favorèvoles allegados a sos sentidos de su D.Lgvo n. 267/2000;
- de rèndere sa presente, cun votazione unànime a bandas, esecutiva dae deretu a sos sentidos de s'art. 135 comma 4° de su D.Lgvo n. 267/2000.

Letu, aprovalu e sutascritu.

Sa Sìndiga

F.du Dut.ra Angela Testone

Su Segretàriu Comunale

F.du Dut. Francesco Rosario Arena

ATESTAZIONES E PARRES

(a sos sentidos de s'art. 49 comma 1 de su D.LGS. 267 de su 18.08.2000)

Parre in òrdine a sa Regularidade tècnica	
Èsitu: Favorèvole Data: 08-02-2023	SU RESPONSÀBILE DE SERVÌTZIU F.du Dut.ra Lucia Serra
Parre in òrdine a sa Regularidade	

contabile

Èsitu: Favorèvole
Data: 08-02-2023

SU RESPONSABILE DE SERVITZIU
F.du Dut.ra Elena Rita Merea

TZERTIFICADU DE PUBLICATZIONE

S'ATESTAT chi sa presente deliberatzione, publicada a s'albu pretòriu informàticu de custa Comuna de su 09-02-2023 a su 24-02-2023, est istada trasmitida in còpia a sos Cabosgrupu de su Cussìgiu (a s'art. 125, c.1, de su D.Lgs 18/08/2000, n° 267) e at a èssere esecutiva su 08-02-2023:

Su Segretàriu Comunale

F.du Dut. Francesco Rosario Arena

Sa presente còpia est cunforma a s'originale.

Attività realizzata con il contributo della Regione Sardegna-LR 22/2018, art.10